



Forum Ecclesiasticum

In Quo Jus Canonicum Universum, Librorum Ac Titulorum Ordine Per Quæstiones Et Responsa, Tam Canonistarum Veterum & Recentiorum, quàm Legistarum, in iis, quæ Utrique Juri, Canonico Et Civili Communia Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 943. In qua moneta solvendus census.

[urn:nbn:de:hbz:466:1-73957](https://nbn-resolving.org/urn:nbn:de:hbz:466:1-73957)

benentur locationes & obligationes bonorum Ecclesiasticorum ultra triennium. Pirh. *h. t. n. 11*. cum Barbof. *in cit. c. 8. h. t. n. 5*. Porro clerici constituentes Ecclesiam quam obtinent, censualem v. g. religiosi sine auctoritate Episcopi per collusionem, ut nimirum post mortem illorum Clericorum Ecclesia ad praesentationem eorundem religiosorum possit transire ad filios & nepotes illorum Clericorum, amoveri ab ea seu eam privari debent pro ut sumitur *ex c. 11. h. t.* quae collusio tamen non praesumitur, si intervenerit auctoritas Episcopi ex officio suo id facientis. Abb. *in cit. c. 11. n. 1. & 2.* Jo-And. *ibid. n. 2.* Pirh. *n. 14. & 15.* qui etiam addit, quod illi Clerici de Rigore juris possint deponi ab officio & beneficio ob commissam simulationem solvendo censum, ut filii & nepotes consequantur Ecclesiam, adeoque dando temporale pro obtinendo spirituali; quin & quod religiosi illi privandi sint jure praesentandi, quo abusi sunt citatis pro hoc Abb. & Jo. And. is etiam, cui juramentum praestitum est de censu novo solvendo cogi potest ad juramentum juranti remittendum. Pirh. *n. 16.* juxta *c. 13. h. t.* quamvis tale juramentum, utpote factum in praesudicium juris Ecclesiastici, non valeat, & rectorem obligare nequeat, uti nec fidejussi de solvendo non tenent tanquam accessoria ei, quod non tenent. Pirh. *h. t. n. 20.* Item religiosi in hoc casu existentes in perceptione census, quia praedecessor moderni rectoris eum solverat, lite pendente privari possunt; tum quia per solutionem census, utpote qui sine auctoritate Episcopi imponi non potuit, transferri non potest ejus possessio in illos monachos; tum quia possessio illa clam seu ignorante Episcopo acquisita, potest Episcopus, postquam id rescivit, rectori solutionem interdicare, ac denique quia dicta possessio erat contra jus, religiosi eam spoliati non possunt petere restitutionem nisi probaverint se eam probabili titulo acquisivisse.

Quaest. 941. An & qualiter census, de quo hic, constitui seu acquiri possit, & sic acquisitus tolli per praescriptionem?

1. Resp. Ad primum, acquiri potest per praescriptionem, Ecclesiae vel patrono solvendus. Verum quia haec praescriptio est contra jus, eique jus resistit, requiritur ad eam, ut praescribens praeter 40. annorum possessionem eum percipiendi habuerit legitimum titulum & bonam fidem, vel sine titulo possederit per tempus, cujus non exstat memoria. Abb. *in c. 13. h. t. n. 5.* Pirh. *h. t. n. 18.*

2. Resp. Ad secundum: est contra census ab initio impositus per praescriptionem extingui potest, non obstante, quod census solvi debitus principi in recognitionem supremi dominii, non secus ac ipsa subjectio ei debita praescribi contra eum non potest juxta *l. 6. c. de praescript. 30. vel 40. annor.* cum aliud sit in censu debito inferiori v. g. Ecclesiae aut patrono ut Abb. *l. c. n. 6.* Pirh. *l. c.* Quin & census hic legitime ab initio impositus, legitime praescriptione sublatus, non potest ab Episcopo de novo imponi, nisi ex justa causa. iidem.

Quaest. 942. Censu cathedralitico seu Cathedralitico quid sit, quandomam, seu ubi, a quibus petendum. Num adhuc in usu, in ejus exactione & solutione qualiter attendenda consuetudo.

Resp. Ad singula haec responsum a me ad *lib. 1. decretal. g. 855. n. 4.* quae videri poterunt. Ut etiam quae aliquantò fufius de his habet Reiffenst. *h. t.*

ad *n. 10.* ac praecipue quae habet *n. 16.* ubi, quod, licet quantitas cathedralitici per consuetudinem augeri & minui, non tamen per eam aut praescriptionem omnino tolli possit obligatio solvendi cathedralitici, prout tenent citati ab eo Abb. *in c. 7. de donat. n. 7.* Barbof. *de off. & potest. Episc. alleg. 86. n. 44. & l. 3. juris Eccles. c. 20. ad n. 5.* Piaces. *p. 2. c. 2. a. 2. n. 11.* ex ea ratione, quod cathedraliticum principaliter detur in honorem cathedrae & signum subjectionis, contra quam saltem ex toto praescriptio non currit, nec consuetudo juxta *c. 12. de praescript. & Arg. can. nullaratione. 8. dis. 93.* ne, ut *ibidem*, quis Acephalus, id est, sine capite sit. Quod ipsum tamen limitari ait à Barb. *l. c.* in casu, quo concurrat tempus immemorabile, cum consuetudo immemorialis aequivaleat privilegio. juxta *c. super quibusdam. de V. S.*

Quaest. 943. In qua moneta solvendus census?

Resp. de hoc videnda, quae supra ad *tit. de solutionib. quaest. 527.* dicta haec enim quae ibi dicta in genere de pensione & censu pecuniario, hic quoque locum habent de censu ab Ecclesiis aliisque locis Episcopo alterive Praelato vel etiam patrono pendendo. videri quoque possunt, quae desuper habet fufus Pirh. *h. t. ad n. 21. ad n. 36.*

Quaest. 944. An ex annua praestatione census facta Episcopo ab aliqua Ecclesia vel monasterio recte colligatur & probetur ejusdem subjectionis, & quomodo census peti & probari debeat.

1. Resp. Ad primum: Ex sola annua solutione census haec subjectio Ecclesiae, Monasterii, beneficii inferri aut colligi nequit, nisi in solutione expressum fuerit, eam fieri ratione subjectionis, vel id ipsum ex circumstantiis loci, temporis, personarum rationabiliter praesumatur. Uti si quis eodem loco, tempore ac modo, quo alii subditi censum solvat; tunc enim tributum seu census est signum subjectionis, & solutionem aliam indeterminatam ad id determinat. Abb. *in c. ult. de caus. possess. & prop. n. 4.* Laym. *ibid. n. 6.* Tufsch. *V. census. concl. 190. n. 1. & 2.* Pirh. *h. t. n. 2.* Arg. *c. 31. h. t.* dum etiam aliam ex aliis causis actibus annuus census solvi possit v. g. in signum libertatis seu exemptionis à jurisdictione Episcopi à papa obtentae juxta *c. 8. de privileg.* vel in signum protectionis vel advocatae sub quam Ecclesia recepta est à papa. ut Host. *in sum. h. t. n. 2.* juxta *cit. c. 8.* vel in signum fundationis ac reservati juris patronatus citra aliam subjectionem juxta *c. 35. de jure patron.* vel denique, quia census ex conventionione alia reservatus.

2. Resp. Ad secundum primò petens censum tantum sibi debitum, exprimere debet rationem seu causam, ob quam sibi debeatur, cum census cujus causa ignoratur, non est ex obligatione solvendus. juxta *c. 5. h. t.* allegando autem & probando, dum agitur in judicio petitorio super jure solvendi census, annuam praestationem illius per tempus, cujus initii memoria non exstat, alium titulum vel causam legitimam allegare necesse non habet actor, cum talis temporis cursus habeat vim tituli & inducat praesumptionem, quod ex legitima causa census inductus fuerit. ita juxta *l. 33. §. aqua ductus ff. de aqua quod. id.* Abb. *in c. ult. de caus. poss. & prop. n. 7.* Covar. *in reg. possessor. p. 2. §. 4. n. 4.* Pirh. *h. t. n. 4.* nisi tamen ut idem cum Mascard. *de probat. concl. 279. n. 16.* ex circumstantiis appareat, factam solutionem citra obligationem v. g. Dum facta semper cum pro-